



UNIT KORPORAT DAN PERHUBUNGAN AWAM

MAKLUMAT MPJBT MELALUI AKHBAR UNTUK BULAN JULAI 2016

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	07-2016/001	04.07.2016	Sinar Harian	Info PBT	98 PBT lancar pelan tranformasi
2.	07-2016/002	11.07.2016	Sinar Harian	Info PBT	Lancar dasar kelestarian Johor
3.	07-2016/003	18.07.2016	Kosmo	Info PBT	Johor komited perangi rasuah
4.	07-2016/004	18.07.2016	Sinar Harian	Info PBT	Integriti bentuk masyarakat terbaik
5.	07-2016/005	18.07.2016	Berita Harian	Info PBT	Kakitangan PBT, GLC perlu budayakan integriti
6.	07-2016/006	18.07.2016	Harian Metro	Info PBT	Ikrar integriti cegah rasuah
7.	07-2016/007	21.07.2016	Harian Metro	Info MPJBT	Minta orang ramai beri cadangan laksana program
8.	07-2016/008	21.07.2016	Sinar Harian	Info MPJBT	'Saya dapat RM500 sebulan'
9.	07-2016/009	21.07.2016	Utusan Malaysia	Info PBT	Jadikan integriti budaya, nilai hidup-Khaled
10.	07-2016/010	22.07.2016	Harian Metro	Info MPJBT	Sedia peluang kemahiran
11.	07-2016/011	22.07.2016	Harian Metro	Aduan	Sudah berbulan lamanya lampu jalan tidak dibaiki di Lebuhraya Iskandar terutama di depan Horizon Hills. Garisan jalan pun dah tak nampak.
12.	07-2016/012	31.07.2016	Sinar Harian	Info MPJBT	Rangka kerjasama rancakkan Mice
13.	07-2016/013	31.07.2016	Harian Metro	Info MPJBT	MICE tarikan baru Johor

RINGKASAN LAPORAN UNTUK BULAN JULAI 2016:

JENIS ARTIKEL	JUMLAH
ADUAN	1
INFO MPJBT	5
INFO PBT	7
JUMLAH	13



MAJLIS PERBANDARAN JOHOR BAHRU TENGAH

No. Daftar : 07-2016/001
Tarikh : 04.07.2016 (Isnin)
Jenis Akhbar : Sinar Harian
Jenis Artikel : Info PBT
Tajuk Artikel : 98 PBT lancar pelan transformasi

98 PBT lancar **Pelan Transformasi**

Landasan menjadikan Johor Bahru bandar bertaraf antarabangsa dan berbudaya Johor

KOTA TINGGI - Sebanyak 98 pihak berkuasa tempatan (PBT) terdiri daripada 148 PBT yang ada di seluruh negara akan memulakan Pelan Transformasi PBT, yang mana bakal menjadi pendekatan baharu dalam usaha untuk meningkatkan kualiti perkhidmatan PBT kepada rakyat.

Timbalan Menteri Kesejahteraan Bandar, Perumahan dan Kerajaan Tempatan (KPKT), Datuk Halimah Mohamed Sadique berkata, pelancaran pelan itu yang diadakan Ogos nanti bagaimanapun belum membabitkan negeri Sabah dan Sarawak.

"Kita bukan sahaja maklum kepada kerajaan negeri untuk menjelaskan apa itu pelan transformasi PBT ini, tetapi kita juga turun kepada kepimpinan PBT iaitu datuk bandar dan Yang Dipertua (YDP) PBT supaya mereka tahu dan



Halimah (duduk, tengah) bersama YDP, Setiausaha PBT Johor yang hadir pada majlis berbuka puasa di Orchard Golf.

maklum pelan yang kita akan lancarkan nanti.

"Malah pelan ini juga dibangunkan bukan semata-mata atas kapasiti kementerian KPKT sahaja. Kita juga sudah adakan bengkel dengan pihak PBT dan badan bukan kerajaan (NGO), Jawatankuasa Perwakilan Penduduk (JPP) dan persatuan penduduk.

"Kita kumpulkan mereka

untuk membuat 'brain storm' bagi mewujudkan pelan yang dapat membantu PBT urus tadbir berkaitan rakyat," katanya kepada pemberita selepas hadir Majlis Berbuka Puasa Bersama YDP Majlis Daerah, Perbandaran dan Setiausaha PBT Negeri Johor di Orchard Golf, dekat sini.

Halimah berkata, selain 'live streaming' mesyuarat pe-

nah PBT, sesi 'townhall' yang melibatkan datuk bandar mahupun YDP turun berjumpa rakyat di taman atau tempat kediaman seperti rumah pangsa bersama ketua jabatan juga sudah boleh dilaksanakan PBT tanpa perlu menunggu pelan transformasi itu dilancarkan.

Katanya, PBT tidak boleh menjauhkan diri dari masalah

dan sekadar menunggu rakyat membawa masalah kepada mereka untuk diselesaikan.

Sementara itu, Datuk Bandar Johor Bahru, A Rahim Nin berkata, Majlis Bandar Johor Bahru (MBJB) amat mengalu-alukan langkah KPKT untuk mewujudkan pelan transformasi tersebut.

"Ianya seiring dengan pelan strategik MBJB hingga

2020. Tambahan pula pelan ini selari dengan apa dirancang oleh MBJB. Antara lain pelan ini juga dapat mendekatkan PBT dengan rakyat khususnya pembayar cukai dan itulah yang dilakukan kita.

"Terima kasih kepada KPKT kerana membuat garis panduan jelas kepada kita. Ianya juga akan dijadikan landasan sehingga tahun 2020 yang mana akan menantikan bandar Johor Bahru bakal menjadi bandar bertaraf antarabangsa dan berbudaya Johor dengan tidak mengetepikan soal kluster," katanya.

Hadir sama, YDP Majlis Daerah Kota Tinggi, Fizwan Mohd Rashidi, Pengurus Besar Lembaga Kemajuan Johor Tenggara (Kejora), Norazman Othman, Ketua Polis Daerah Kota Tinggi, Superintendan Rahmat Othman, Kadi Daerah Mohd Fauzi Bachok.





MAJLIS PERBANDARAN JOHOR BAHRU TENGAH

No. Daftar : 07-2016/002
Tarikh : 11.07.2016 (Isnin)
Jenis Akhbar : Sinar Harian
Jenis Artikel : Info PBT
Tajuk Artikel : Lancar dasar kelestarian Johor

Lancar Dasar Kestarian Johor

JOHOR BAHRU - Kerajaan negeri dijangka melancarkan Dasar Kestarian Johor pada hujung tahun ini, khusus bagi memperkasakan penglibatan masyarakat untuk mewujudkan persekitaran lebih baik pada masa depan.

Pengerusi Jawatankuasa Kesihatan dan Alam Sekitar negeri, Datuk Ayub Rahmat berkata, dasar itu bakal dilancarkan Menteri Besar, Datuk Seri Mohamed Khaled Nordin.

"Salah satu elemen ingin kita tekankan dalam Dasar Kestarian Johor ini adalah kerjasama dan penglibatan masyarakat untuk bersama-sama menjaga serta memulihara alam sekitar," katanya.

Beliau berkata demikian selepas ditanya mengenai Lawatan Kerja Kajian Kestarian Alam Sekitar ke Korea Selatan anjuran Unit Perancangan Ekonomi Negeri (UPEN) dan Perbadanan Taman Negara Johor (PTNJ), baru-baru ini.

Ayub berkata, dalam lawatan selama seminggu ke Korea Selatan, pihaknya telah melawat beberapa kawasan seperti Ecoland Park, Songdo Smart City, Seoul Forest Park dan Tree House.

"Lawatan ini telah memberi input amat berguna untuk dimasukkan dalam Dasar Kestarian Johor sebagai nilai tambah terhadap dasar sedia ada seperti dasar rendah karbon dan dasar teknologi hijau.

"Sesuatu yang amat menarik juga adalah bagaimana pemerintah Kota Seoul menjadikan sungai tercemar kepada sungai yang bersih dan kini merupakan pusat rekreasi serta riadah warganya," katanya.

Beliau berkata, apa yang dilaksanakan di Korea Selatan boleh diterapkan untuk memulihkan beberapa sungai untuk menjadi pusat tumpuan orang ramai.

"Misalnya Sungai Segget yang terletak di tengah-tengah bandar raya dan juga Sungai Skudai yang kini begitu tercemar akibat daripada sikap penduduk, terutama penghuni penempatan setinggan di tebing sungai tersebut yang membuang sampah-sarap ke dalam sungai berkenaan dan juga pihak industri.

"Selain itu, kita berharap lima pihak berkuasa tempatan iaitu Majlis Bandaraya Johor Bahru (MBJB), Majlis

Perbandaran Johor Bahru Tengah (MPJBT), Majlis Perbandaran Pasir Gudang (MPPG), Majlis Perbandaran Kulai (MPKu) dan Majlis Daerah Pontian (MDP) dapat menguatkuasakan inisiatif yang telah digariskan kerajaan negeri sebelum ini," katanya.



“Salah satu elemen yang ingin kita tekankan dalam Dasar Kestarian Johor ini adalah kerjasama dan penglibatan masyarakat untuk bersama-sama menjaga serta memulihara alam sekitar.” - Ayub



MAJLIS PERBANDARAN JOHOR BAHRU TENGAH

No. Daftar : 07-2016/003
Tarikh : 18.07.2016 (Isnin)
Jenis Akhbar : Kosmo
Jenis Artikel : Info PBT
Tajuk Artikel : Johor komited perangi rasuah



Johor komited perangi rasuah

JOHOR BAHRU - Kerajaan Johor terus komited dalam meningkatkan integriti apabila 22 pihak berkuasa tempatan (PBT) dan syarikat berkaitan kerajaan (GLC) semalam menandatangani ikrar integriti korporat.

Antara PBT dan GLC terlibat adalah Majlis Bandaraya Johor Bahru, Majlis Perbandaran Johor Bahru Tengah, Majlis Perbandaran Pasir Gudang, Majlis Perbandaran Muar, Permodalan Darul Ta'zim, Insist Amilat Sdn. Bhd., Perbadanan Bioteknologi dan Biodiversiti Negeri Johor (J-Biotech) dan Kumpulan Prasarana Rakyat Johor Sdn. Bhd. (KPRJ).

Menteri Besar, Datuk Seri Mohamed Khaled Nordin berkata, ikrar tersebut ditandatangani kerana ingin melihat semua pihak memerangi bukan sekadar rasuah dan salah guna kuasa malah turut merangkumi pelbagai aspek lain.

"Aspek tersebut antaranya ialah membudayakan masyarakat datang ke tempat kerja tepat pada waktunya, tidak menggunakan kemudahan,



MOHAMED KHALED menyaksikan penyerahan dokumen ikrar integriti daripada Ismail (kanan) kepada Simi pada Majlis Menandatangani Ikrar Integriti Korporat Pihak Berkuasa Tempatan dan GLC Negeri Johor di Johor Bahru semalam.

dana dan harta awam demi kepentingan sendiri, mengelakkan pembaziran wang rakyat serta menyiaipkan tugas dengan pantas dan telus," katanya dalam majlis menandatangani ikrar tersebut di sini semalam.

Turut hadir Ketua Pesuruhjaya Suruhanjaya Pencegahan Rasuah Malaysia (SPRM), Tan Sri Abu Kassim Mohamed. Hadir sama Setiausaha Kerajaan Negeri Johor,

Datuk Ismail Karim dan Pengarah SPRM Johor, Datuk Simi Abd. Ghani.

Mohamed Khaled berkata, apabila budaya integriti diamalkan, beliau percaya, ia membuka peluang dan manfaat berganda kepada masyarakat termasuk menghindari rakyat daripada menanggung pelbagai kos yang tidak munasabah serta membolehkan kos sesuatu projek menjadi lebih kompetitif. - Bernama





MAJLIS PERBANDARAN JOHOR BAHRU TENGAH

No. Daftar : 07-2016/004
Tarikh : 18.07.2016 (Isnin)
Jenis Akhbar : Sinar Harian
Jenis Artikel : Info PBT
Tajuk Artikel : Integriti bentuk masyarakat terbaik

Integriti bentuk masyarakat terbaik

Harus dibudayakan, dijiwai dan dipersembahkan, bukan dilaungkan sebagai retorik

■ MOHD FIRDAUS YON

JOHOR BAHRU - Integriti sangat penting dalam kehidupan dan harus dilihat menerusi tiga perspektif dalam usaha membentuk masyarakat terbaik yang memiliki nilai paling unggul sejajar dengan Gagasan Johor Berkemajuan.

Menteri Besar, Datuk Seri Mohamed Khaled Nordin berkata, pertama adalah integriti perlu dilihat sebagai budaya, nilai dan citra sebenar masyarakat di negeri ini.

Menurutnya, integriti harus dibudayakan, dijiwai serta dipersembahkan dan bukan untuk dilaungkan sebagai retorik.

"Datang kerja kerja tepat waktunya adalah integriti dan tidak menggunakan kemudahan, dana dan harta awam untuk kepentingan sendiri adalah integriti.

"Mengelakkan pembaziran wang rakyat dengan berbelanja secara berhemah adalah integriti. Malah, menyiapkan tu-

gas dengan pantas, telus dan menepati masa juga adalah integriti.

"Jika Johor dan Malaysia ingin menjadi sebuah bangsa terbaik, tidak boleh tidak, amanah mesti menjadi budaya dan nilai kita," katanya.

Beliau berkata demikian pada Majlis Ikrar Integriti Korporat pihak berkuasa tempatan (PBT) dan syarikat berkaitan kerajaan (GLC) Negeri Johor dan Majlis Ikrar Integriti Korporat Kakitangan KPRJ, Vendor, Kontraktor, Perunding dan Pihak-pihak Ke-3, di sini, semalam.

Hadir sama, Ketua Pesuruhjaya Suruhanjaya Pencegahan Rasuah (SPRM), Tan Sri Abu Kassim Mohamed dan Setiausaha Kerajaan Negeri Johor, Datuk Ismail Karim.

Mohamed Khaled berkata, perspektif kedua adalah amanah dan integriti membawa bersamanya peluang dan manfaat yang tiada batasan.

"Sebab itulah, integriti dan amanah adalah pemacu se-



Mohamed Khaled bersama Abu Kassim dan Ismail bergambar pada Majlis Ikrar Integriti Korporat Pihak Berkuasa Tempatan (PBT) dan Syarikat Berkaitan Kerajaan (GLC) Negeri Johor dan Majlis Ikrar Integriti Korporat Kakitangan KPRJ, Vendor, Kontraktor, Perunding dan Pihak-pihak Ke-3 di sini semalam.

benar sebuah kemajuan bagi sebuah negara dan bangsa. Lihat sahaja budaya di negara maju.

"Resipi kejayaan mereka bukan sesuatu yang rahsia atau sukar untuk dipelajari. Ia mudah sekali iaitu berlaku benar, jujur, amanah dan hiduplah dengan penuh integriti. Ia bukanlah sesukar *rocket science* yang mustahil untuk dimengerti," katanya.

Beliau berkata, perspektif ketiga adalah menghindari me-

reka yang tidak amanah sebagai jalan untuk mempertahankan reputasi integriti.

"Jangan berurusan dengan mereka. Jangan melakukan perniagaan dengan mereka. Elakkan dari berada di kalangan mereka dan jangan sesekali terperangkap dalam segala janji manis serta pujuk rayu yang semuanya akan melunturkan integriti kita.

"Membina hidup yang beramanah, menuntun kita hidup, bersahabat dan dilingkungi

oleh rakan-rakan yang beramanah juga," katanya.

Justeru, Mohamed Khaled memohon dan menyeru agar semua pihak memainkan peranan dengan membudayakan integriti yang disifatkan satu perjuangan besar di sisi bangsa, negara dan di mata ALLAH SWT.

Sementara itu, Mohamed Khaled berkata, majlis ikrar integriti korporat amat penting kerana Kerajaan Johor mahu setiap pemain yang terlibat

dalam proses pembangunan faham dengan kepentingan integriti.

"Apa yang kita lakukan hari ini adalah dengan satu tujuan iaitu mengajak semua pihak memikul tanggungjawab menjadikan Johor dan Malaysia ini lebih beramanah," katanya.

"Apalah gunanya dasar yang baik, program pembangunan yang hebat, jika segalanya tidak disandarkan pada nilai-nilai yang unggul dan mulia itu," katanya.





MAJLIS PERBANDARAN JOHOR BAHRU TENGAH

No. Daftar : 07-2016/005
Tarikh : 18.07.2016 (Isnin)
Jenis Akhbar : Berita Harian
Jenis Artikel : Info PBT
Tajuk Artikel : Kakitangan PBT, GLC perlu budayakan integriti

Kakitangan PBT, GLC perlu budayakan integriti

➔ Perangi rasuah, salah guna kuasa hanya sebahagian amalan

Oleh Mohd Fahmi Mohd Yusof
mohdfahmi@bh.com.my

► Johor Bahru

Kakitangan agensi dan syarikat berkaitan kerajaan (GLC) perlu membudayakan integriti sebagai perjuangan untuk agama, bangsa dan tanah air.

Menteri Besar Johor, Datuk Seri Mohamed Khaled Nordin, berkata langkah memerangi rasuah dan



Mohamed Khaled (tengah) menyaksikan penyerahan dokumen ikrar integriti daripada Setiausaha Kerajaan Johor, Datuk Ismail Karim (kanan) kepada Pengarah SPRM Johor, Datuk Simi Abd Ghani pada ikrar integriti korporat PBT dan GLC di Johor Bahru, semalam.

salah guna kuasa hanya sebahagian amalan integriti.

Tiga perspektif besar

Katanya, integriti harus dilihat dari sekurang-kurangnya tiga perspektif besar dalam memastikan ia menjadi budaya dan amalan dalam pekerjaan.

"Pertama, integriti adalah budaya, nilai dan citra sebenar masyarakat. Ia mesti dijadikan budaya, bukan sekadar cogan kata dan slogan tetapi dijiwai, bukan dipamerkan di pejabat

atau media.

"Kedua, amanah dan integriti membawa bersama peluang dan manfaat kerana apabila kita mempunyai masyarakat perniagaan yang amanah, rakyat tidak akan dibebani pelbagai kos tidak munasabah," katanya.

Beliau berkata demikian pada majlis ikrar integriti korporat pihak berkuasa tempatan (PBT) dan GLC di sini, semalam.

Yang turut hadir, Ketua Pesuruhjaya Suruhanjaya Pencegahan Rasuah Malaysia (SPRM), Tan Sri

Fakta nombor

200

KAKITANGAN

PBT dan GLC Johor lafaz ikrar integriti

Abu Kassim Mohamed.

Mohamed Khaled berkata, perspektif ketiga membudayakan integriti ialah menghindari mereka yang tidak amanah.

"Satu-satunya jalan mempertahankan reputasi integriti kita ialah tidak berurusan dengan mereka yang tidak amanah.

"Elak daripada berada dalam kalangan mereka dan jangan sesekali terperangkap dalam segala janji manis serta pujuk rayu yang akan melunturkan integriti kita," katanya.



MAJLIS PERBANDARAN JOHOR BAHRU TENGAH

No. Daftar : 07-2016/006
Tarikh : 18.07.2016 (Isnin)
Jenis Akhbar : Harian Metro
Jenis Artikel : Info PBT
Tajuk Artikel : Ikrar integriti cegah rasuah



Ikrar integriti cegah rasuah

■ Menteri Besar jamin beri kerjasama SPRM laksana CIP bagi nilai tadbir urus baik

FOTO: ZULKARNAIN AHMAD TALJODIN

Mohd Sabran Md Sani
sab@hmetro.com.my

Johor Bahru

Kerajaan negeri memberi jaminan bekerjasama dengan Suruhanjaya Pencegahan Rasuah Malaysia (SPRM) bagi melaksanakan Ikrar Integriti Korporat (CIP) kepada kakitangan awam yang berkhidmat di negeri ini.

Menteri Besar Johor, Datuk Seri Mohamed Khaled Nordin berkata, tumpuan diberikan terhadap kandungan CIP bagi mendukung prinsip pencegahan rasuah membabitkan komitmen kepada mempromosi nilai integriti, ketelusan dan tadbir urus yang baik.

"Saya memberi jaminan, kerajaan negeri bekerjasama dengan SPRM mengenai apa yang dinyatakan tadi dan apa yang terkandung dalam CIP dilaksanakan di negeri Johor.

"Ia termasuk pengukuhan kawalan dalaman yang menyokong pencegahan rasuah,



DATUK Bandar Johor Bahru A Rahim Nin mengetuai bacaan Ikrar integriti korporat.

pematuhan kepada undang-undang, polist dan prosedur yang membabitkan pencegahan rasuah, memeringi amalan rasuah dan menyokong segala inisiatif pencegahan rasuah yang diusahakan SPRM," katanya.

Terdahulu Mohamed Khaled merasmikan Ikrar Integriti Korporat Pihak Berkuasa Tempatan dan Syarikat Berkaitan Kerajaan Negeri Johor di negeri itu.

Pada majlis itu, Setiausaha Kerajaan Negeri Johor, Datuk Ismail Karim menjadi saksi upacara menandatangani Ikrar Integriti Korporat sebelum ikrar berkenaan dibacakan di hadapan Ketua Pesuruhjaya SPRM, Tan Sri Abu Kassim Mohamed.

Sebanyak 22 pihak berkuasa tempatan (PBT) dan syarikat berkaitan kerajaan (GLC) negeri menunjukkan komitmen mempromosikan

integriti, ketelusan dan tadbir urus terbaik dalam Ikrar Integriti Korporat di Hotel M Suites di sini, semalam.

Mohamed Khaled dalam ucapan perasmianya berkata, pelaksanaan CIP bertepatan dengan usaha kerajaan negeri menggagaskan Gagasan Johor Berkemajuan dengan matlamat akhirnya membentuk masyarakat yang terbaik.

"Masyarakat yang terbaik

itu tidak terhasil jika tidak membudayakan nilai terbaik. Keperkasian insan hanya boleh terjelma jika bangsa Johor hidup dengan nilai paling unggul.

"Jadi apabila kita bercakap mengenai integriti, ia bukan sekadar memerangi rasuah dan salah guna kuasa tetapi harus dilihat daripada perspektif besar," katanya.

Menurutnya, integriti adalah budaya, nilai dan citra

sebenar masyarakat termasuk datang kerja tepat pada masanya, tidak menggunakan kemudahan, dana dan harta awam untuk kepentingan sendiri.

"Jika Johor dan Malaysia ingin menjadi bangsa terbaik, amanah mesti menjadi budaya dan nilai kita, selain amalan integriti kalangan komuniti korporat memberi peluang untuk bersaing dengan adil," katanya.





MAJLIS PERBANDARAN JOHOR BAHRU TENGAH

No. Daftar : 07-2016/007
Tarikh : 21.07.2016 (Khamis)
Jenis Akhbar : Harian Metro
Jenis Artikel : Info MPJBT
Tajuk Artikel : Minta orang ramai beri cadangan laksana program

Minta orang ramai beri cadangan laksana program

Johor Bahru: Yayasan Penyayang Majlis Perbandaran Johor Bahru Tengah (MPJBT) mengalu-alukan cadangan dan idea masyarakat setempat dalam mengutarakan sebarang program yang bersesuaian untuk dilaksanakan pada masa akan datang.

Ahli Lembaga Pemegang Amanah Yayasan Penyayang MPJBT Datuk Abdul Rasyid Kasman berkata masyarakat setempat boleh menyalurkan cadangan itu menerusi laman sosial Facebook (FB) rasmi yayasan itu 'Yayasan Penyayang MJB'.

"Di situ masyarakat setempat boleh melihat sendiri program yang dijalankan dan perkembangan terbaru dan semasa oleh Yayasan Penyayang MJB sejak ditubuhkan

pada Mac 2015 itu," katanya ketika merasmikan Kursus Keusahawanan Ibu-Ibu Tunggal di Bilik Audio Visual MPJBT di sini semalam.

Hadir sama Penolong Pengerah Pegawai Pertanian, Ketua Bahagian Industri Asas Tani Jabatan Pertanian Johor, Norhaniza Hashim.

Dalam kursus itu seramai 100 orang termasuk ibu tunggal, golongan asnaf serta belia diberi peluang untuk belajar cara meningkatkan kemahiran dan potensi diri golongan itu sekali gus meningkatkan ilmu pengetahuan masing-masing.

Rasyid berkata dengan adanya cadangan itu pihaknya akan dapat menjalankan program yang betul-betul memenuhi keperluan golo-

ngan itu.

Katanya, kursus disediakan ini memberi pendedahan mengenai peluang-peluang mengikuti latihan dan menimba ilmu khususnya dalam bidang keusahawanan atau perniagaan.

"Peserta yang mengikuti kursus diberi taklimat yang berharga oleh agensi kerajaan seperti pembabitan Tabung Ekonomi Kumpulan Usaha Niaga (TEKUN) Nasional, Keusahawanan dan Program Pembangunan Industri Asas Tani dan Motivasi Keusahawanan," katanya.

Rasyid berkata selain menyediakan kursus, yayasan ini memperuntukkan sejumlah dana bagi membantu golongan yang memerlukan ini.



ABDUL Rasyid (berdiri tengah) bersama peserta Kursus Keusahawanan Ibu-Ibu Tunggal di Bilik Audio Visual MPJBT, semalam.



MAJLIS PERBANDARAN JOHOR BAHRU TENGAH

No. Daftar : 07-2016/008
Tarikh : 21.07.2016 (Khamis)
Jenis Akhbar : Sinar Harian
Jenis Artikel : Info MPJBT
Tajuk Artikel : 'Saya dapat RM500 sebulan'



'Saya dapat RM500 sebulan'

SKUDAI - Minat mendalam terhadap dunia kecantikan mencetus idea seorang pembantu perancang sebuah syarikat swasta menyediakan perkhidmatan spa dari rumah ke rumah, sekali gus berupaya menjana pendapatan tambahan kepadanya.

Hazlina Aris, 36 dari Taman Pulai Emas, di sini, berkata, dia bersyukur kerana perniagaan yang baharu diceburi sejak setahun lalu itu mendapat permintaan menggalakkan daripada kenalannya.

Katanya, pendapatan sambilan yang diperolehnya itu dapat menampung perbelanjaan untuk menyara dua anaknya yang berumur lapan dan 16 tahun.

"Saya memang minat dalam bidang ini dan belajar sendiri sedikit demi sedikit. Alhamdulillah ramai menyokong perkhidmatan spa mobil yang saya jalankan hasil idea sendiri.

"Dalam sebulan saya dapat sekitar RM500 kerana pendapatan bulanan saya hanya sekitar lebih RM1,000 sahaja," katanya.

Beliau berkata demikian semasa Majlis Penutup Kursus Keusahawanan dan



Hazlina menerima sijil penyertaan daripada Abdul Rashid.

Beliau oleh Yayasan Penyayang Majlis Perbandaran Johor Bahru Tengah (MPJBT) yang melibatkan kira-kira 100 peserta, di sini, semalam.

Program berkenaan disempurnakan oleh Ahli Lembaga Pemegang Amanah Yayasan Penyayang MPJBT, Datuk Abdul Rashid Kasman.

Hazlina berkata, kursus yang disertainya sangat membantu kerana banyak ilmu dan pengetahuan yang diperoleh.

"Saya lebih maklum tentang bagaimana mendapatkan pembekal untuk menyokong perniagaan saya pada masa depan," katanya.

Dalam pada itu, seorang lagi peserta, Samsiah Sakma, 54 berkata, kursus membantu meningkatkan keyakinannya untuk mengembangkan produk pes mee bandung yang sedang diusahakan.

"Saya berniaga masakan lauk panas secara kecil-kecilan berdekatan dengan rumah dan kini sedang berusaha untuk memasarkan produk pes mee bandung resipi keluarga.

"Kursus ini banyak membantu saya memperoleh pelbagai maklumat dan saluran yang disediakan pelbagai pihak untuk mengembangkan perniagaan saya," katanya.





MAJLIS PERBANDARAN JOHOR BAHRU TENGAH

No. Daftar : 07-2016/009
Tarikh : 21.07.2016 (Khamis)
Jenis Akhbar : Utusan Malaysia
Jenis Artikel : Info PBT
Tajuk Artikel : Jadikan integriti budaya, nilai hidup - Khaled



MOHAMED KHALED NORDIN menyaksikan penyerahan dokumen daripada Ismail Karim (kanan) kepada Simi Abd. Ghani dalam Majlis Menandatangani Ikrar Integriti Korporat Pihak Berkuasa Tempatan dan Syarikat Milik Kerajaan di Johor Bahru, baru-baru ini.

Jadikan integriti budaya, nilai hidup - Khaled

JOHOR BAHRU 20 Julai - Integriti perlu dilihat dalam perspektif lebih besar dan bukan hanya tertumpu terhadap usaha memeringi rasuah dan salah guna kuasa, kata Menteri Besar, Datuk Seri Mohamed Khaled Nordin.

Sambil menggariskan tiga perspektif dalam membentuk masyarakat terbaik dan memiliki nilai unggul sejajar dengan Gagasan Johor Berkemajuan, beliau mahu semua pegawai dan kakitangan kerajaan negeri memiliki ciri-ciri tersebut.

Beliau berkata, perspektif pertama adalah integriti yang perlu dilihat sebagai budaya, nilai dan citra sebenar masyarakat negeri ini, se-

kali gus perlu dibudayakan, dijiwai dan dipersembahkan, bukan untuk dilaungkan sebagai retorik.

“Datang kerja tepat waktu, tidak menggunakan kemudahan, dana dan harta awam untuk kepentingan sendiri, mengelakkan pembaziran wang rakyat dan berbelanja secara berhemah serta menyiapkan tugas dengan pantas, itu semua ialah integriti.

“Jika Johor dan Malaysia ingin menjadi sebuah bangsa terbaik, tidak boleh tidak, amanah mesti menjadi budaya dan nilai kita,” katanya semasa merasmikan Majlis Ikrar Integriti Korporat Pihak Berkuasa Tempatan (PBT) dan Syarikat Milik Kerajaan (GLC)

Negeri Johor di sini baru-baru ini.

Dalam majlis itu, Setiausaha Kerajaan Negeri, Datuk Ismail Karim menjadi saksi upacara menandatangani Ikrar Integriti Korporat (CIP) sebelum ikrar berkenaan dibacakan di hadapan Ketua Pesuruhjaya Suruhanjaya Pencegahan Rasuah Malaysia (SPRM), Tan Sri Abu Kassim Mohamed.

Yang turut hadir Pengarah SPRM negeri, Datuk Simi Abd. Ghani.

Sebanyak 22 pihak PBT dan GLC negeri menunjukkan komitmen untuk mempromosikan integriti, ketelusan dan tadbir urus terbaik dalam CIP itu.

Mohamed Khaled berkata, perspektif kedua ialah amanah dan

integriti yang membawa bersama-samanya peluang dan manfaat yang tiada batasan.

“Kedua-dua itu adalah pemacu sebenar kemajuan bagi sesebuah negara dan bangsa,” katanya.

Tegasnya, perspektif ketiga adalah hindari mereka yang tidak amanah sebagai satu-satunya jalan untuk mempertahankan reputasi integriti, sekali gus tidak berurusan dengan golongan tersebut.

Sementara itu, Mohamed Khaled berkata, kerajaan negeri komited untuk bekerjasama dengan SPRM melaksanakan CIP bagi kakitangan awam negeri ini dengan memberi tumpuan mendukung prinsip-prinsip terbaik.



MAJLIS PERBANDARAN JOHOR BAHRU TENGAH

No. Daftar : 07-2016/010
Tarikh : 22.07.2016 (Jumaat)
Jenis Akhbar : Harian Metro
Jenis Artikel : Info MPJBT
Tajuk Artikel : Sedia peluang kemahiran



80% >>Peserta sudah beroperasi dalam bidang kemahiran dipelajari

HARIAN METRO

Sedia peluang kemahiran

■ MPJBT tingkat ekonomi dan pendapatan golongan sasaran

Mary Victoria Dass
maryvictoria@hmetro.com.my

Johor Bahru

Yayasan Penyayang Majlis Perbandaran Johor Bahru Tengah (MPJBT) menyasarkan menyediakan lebih banyak peluang kemahiran jahitan dan bakeri kepada penduduk di sekitar bandar raya ini dalam usaha meningkatkan sosioekonomi dan pendapatan golongan sasaran.

Pengerusi Yayasan Penyayang MPJBT, Mohammad Khairi A Malik berkata, bagi merealisasikan hasrat itu, pihaknya membiayai kos bernilai RM21,920 untuk membolehkan 52 penerima dalam kalangan ibu tunggal, suri rumah dan belia menikmati skim latihan disediakan.

Menurutnya, antara kursus disertai ialah kursus jahitan di Akademi Jahitan Jelita Aziz di Bandar Baru Uda pada 22 Mei hingga 26 Mei lalu.

Menurutnya, maklum balas diterima pihaknya menunjukkan 80 peratus yang mengikuti kursus berkenaan sudah berkecimpung dalam bidang jahitan termasuk beroperasi di rumah.

Katanya, ia termasuk kursus pakaian muslimah, kursus langsir dan kursus menjahit tudung serta telekung.

"Selain golongan wanita, peserta kursus berkenaan juga disertai golongan lelaki yang ingin berkecimpung dalam bidang rekaan pakaian.

"Semua peserta ditihat sangat berminat untuk mening-

katkan pendapatan masing-masing selaras dengan hasrat kerajaan mewujudkan masyarakat berpendapatan tinggi," katanya pada sidang media di Majlis Penutupan Kursus Jahitan Yayasan Penyayang MPJBT di Bilik Sri Tanjung MPJBT di sini, baru-baru ini.

Hadir sama, Pengerusi Yayasan Penyayang MPJBT, Fadzilin Abd Rashid. Pihaknya juga bercadang untuk menganjurkan kursus jahitan lanjutan bagi menawarkan ilmu dan kemahiran tambahan kepada golongan terabit memandangkan kemahiran menjahit bukan hanya tertumpu pada pakaian wanita sebaliknya bidang itu sangat luas.

"Ini kerana mereka yang berpengalaman boleh menjahit pelbagai jenis pakaian," katanya.

Mohammad Khairi berkata, Yayasan Penyayang MPJBT juga bercadang untuk menganjurkan kursus membuat kek dan pastri pada hujung bulan ini.

Menurutnya, pihaknya menjangkakan kursus berkenaan menerima sambutan daripada 90 penduduk membatik pembayar cukai di kawasan pentadbiran MPJBT.

"Kami juga mengalu-alukan cadangan dan idea daripada masyarakat setempat berkaitan kursus yang bersesuaian yang mungkin boleh dianjurkan pada masa depan.

"Orang ramai boleh melayari akaun Facebook (FB) rasmi yayasan ini untuk mengetahui program yang dianjurkan dan juga mencadangkan kursus bersesuaian," katanya.

ALAMI KESERONOKAN DI ANLENE MOVE YOUNG FEST

Di Pusat Membeli-belah One Utama
20 Julai – 24 Julai
10 pg. – 10 mlm.

Alami keseronokan jiwa muda di Anlene Move Young Fest dengan pelbagai aktiviti, diskaun dan hadiah percuma yang pasti menggerakkan jiwa anda!

Tertakluk pada terma.

Bergeraklah semula jiwa anda dengan Anlene.


Fonterra Brands (Malaysia) Sdn. Bhd. (25562-M)
23, Jalan Delima 1/1, Subang Hi-Tech Industrial Park, Batu Tiga, 40300 Shah Alam, Selangor, Malaysia.





MAJLIS PERBANDARAN JOHOR BAHRU TENGAH

No. Daftar : 07-2016/011
Tarikh : 22.07.2016 (Jumaat)
Jenis Akhbar : **Harian Metro**
Jenis Artikel : **Aduan**
Tajuk Artikel : **Sudah berbulan lamanya lampu jalan tidak dibaiki di Lebuhraya Iskandar terutama di depan Horizon Hills. Garisan jalan pun dah tak nampak.**



MAJLIS PERBANDARAN JOHOR BAHRU TENGAH

No. Daftar : 07-2016/012
Tarikh : 31.07.2016 (Ahad)
Jenis Akhbar : Sinar Harian
Jenis Artikel : Info MPJBT
Tajuk Artikel : Rangka kerjasama rancakkan Mice



Rangka kerjasama rancakkan Mice

Ke arah Johor destinasi pelancongan bagi acara perniagaan



Pengarah Urusan Capital Trend Asia Sdn Bhd, John KH Lim (tiga, kanan) mengiringi Siew Kiong (tiga, kiri) memotong riben sebagai simbolik majlis perasmian Amerin Hotel, semalam.

■ SHAHIZATUL FARHA S ROSLI

JOHOR BAHRU – Pemain industri tempatan disaran merangka pelan merancakkan lagi sektor pelancongan mesyuarat, insentif, konvensyen dan pameran (Mice) sekali gus meningkatkan kutipan pendapatan masing-masing menerusi sektor itu.

Pengerusi Jawatankuasa Pelancongan, Perdagangan dan Kepenggunaan negeri, Datuk Tee Siew Kiong berkata, langkah persediaan itu sejajar dengan hasrat kerajaan negeri menjadikan Johor sebagai destinasi pelancongan bagi acara-acara perniagaan (Business Event).

"Kerajaan negeri memerlukan kerjasama strategik daripada semua pihak khususnya pemain industri pelancong termasuk ejen, pihak perhotelan dan logistik untuk sama-sama merancakkan sektor ini.

"Contohnya, pihak perhotelan perlu memastikan perkhidmatan mereka memenuhi permintaan dan dilengkapi infrastruktur bagi aktiviti Mice manakala ejen pelancongan memainkan

peranan merangka pakej menarik untuk bersaing dengan negara lain," katanya.

Beliau berkata demikian dalam sidang media selepas menghadiri Majlis Perasmian Amerin Hotel di Taman Perling di sini, semalam.

Siew Kiong berkata, bagi menjayakan hasrat itu, Biro Konvensyen dan Pameran Johor (JCEB) ditubuhkan untuk membangunkan dan mempromosikan negeri ini sebagai destinasi Mice utama di rantau ini.

"Penubuhan JCEB bertujuan merancakkan Mice dan merangka strategi promosi negeri ini sebagai destinasi pelancongan bernilai tinggi.

"Sektor Mice mampu meningkatkan kedatangan pelancong perniagaan berpotensi sekali gus meningkatkan pendapatan industri pelancongan menerusi kadar perbelanjaan mereka yang 3.5 kali ganda lebih tinggi berbanding pelancong biasa.

"Jadi kita berharap sektor ini akan menjadi antara penyumbang kepada kerancakan ekonomi Johor khususnya dalam industri pelancongan," katanya.



MAJLIS PERBANDARAN JOHOR BAHRU TENGAH

No. Daftar : 07-2016/013
Tarikh : 31.07.2016 (Ahad)
Jenis Akhbar : Harian Metro
Jenis Artikel : Info MPJBT
Tajuk Artikel : MICE tarikan baru Johor



TEE (empat dari kanan) bersama Lim (tiga dari kanan) merasmikan Hotel Amerin di Taman Perling, Johor Bahru.

Johor Bahru

MICE tarikan baru Johor

Pemain sektor pelancongan di Johor disaran merangka pelan bagi merancakkan aktiviti mesyuarat, insentif, konvensyen dan pameran (MICE) yang membolehkan mereka merebut peluang sedia ada.

Pengerusi Jawatankuasa Pelancongan Perdagangan dan Kepenggunaan negeri Datuk Tee Siew Kiong berkata, langkah itu selari dengan usaha menjadikan Johor sebagai destinasi acara perniagaan.

Komitmen kerajaan negeri juga dapat dilihat melalui penubuhan Biro Konvensyen dan Pameran Johor (JCEB) bertujuan mempromosi dan membangunkan Johor sebagai destinasi MICE terkemuka di rantau ini.

“Bagi merealisasikan, pihak industri seperti ejen pelancongan, perhotelan dan logistik diperlukan bagi

merancakkan MICE. Contoh, pihak perhotelan perlu pastikan mereka memenuhi aktiviti MICE selain kerangka pakej yang menarik untuk bersaing dengan negara lain.

“Saya berharap MICE dapat menjadi antara penyumbang kepada kerancangan ekonomi di Johor menjelang 2020,” katanya kepada media selepas merasmikan Hotel Amerin di Taman Perling di sini, semalam.

Hadir sama Pengarah Urusan Hotel Amerin John KH Lim.

Sementara itu, Lim berkata, pihaknya menasakkan perolehan RM10 juta sempena pembukaan kedua-dua cawangan hotel berkenaan iaitu di Bukit Bintang, Kuala Lumpur dan Taman Perling, Johor Bahru yang beroperasi sejak setahun lalu.

